

## Universitätsbibliothek Paderborn

**R. P. Cornelii Hazart Societatis Iesv Theologi Discursus  
Morales In Selectiora Loca Genesis, Exodi, Levitici,  
Numerorum**

**Hazart, Cornelius**

**Antverpiæ, 1688**

Discvrsvs XXVI. Fame in dies crescente Iosephus vendit frumenta.

[urn:nbn:de:hbz:466:1-52700](#)

Postquam Jacob egisset cum rege, valedixit illi, seu, ut loqui-  
tur Scriptura, benedixit regem, & discessit.

## DISCURSUS XXVI.

Fame in dies crescente Iosephus vendit frumenta.

Inter hæc, inquit Scriptura, in toto orbe deerat panis, & oppreßerat famæ terram maxime Ægypti & Chanaan, aliarumque regionum circumiacentium; deficiente ergo ubique propter terræ sterilitatem, frumento, accurrebant undequaque infiniti mortales ad Ioseph, qui tota Ægypto habebat horrea plena, ut numerata pecuniâ frumenta coëmerent, quam ille inferebat in regis ærarium, non se, sed regem ditiorem efficiens, dicit enim claris verbis Scriptura, omnem pecuniam intulit in ærarium regis, ergo nihil prorsus sibi reservato.

Hanc admirabilem Iosephi integratatem, & in administrando munere sanctitatem admiratus Philo Judeus, sic eum describit Lib. de Ioseph. Juvenis tanta fide usus est in administrandis negotiis publicis, ut cum ratio temporum plurimas occasionses ei præberet ad congerendam pecuniam, potuisset facile ditissimus sui seculi evadere: Sed totum argentum aurumque è frumenti pretio collectum referens in thesauros regios, ne drachmâ quidem subtrahita, contentus donis quibus eum rex remunerabatur.

Oportet nos super hac re fusius audire discurrentem maximum è Societate nostra Theologum, doctissimumque scriptorem, & maximæ auctoritatis virum, Benedictum Ferdinandum in Cap. 47 Genesis, Sect. 2.

O Ioseph, inquit, virum omni ævo memorabilem! non magis castum in declinanda muliere tentatrice, quam in contemnenda pecunia, & opum cupidine comprimenda! Sapenumero enim contingit, ut qui puro sunt corpore, sordidi sint pecuniâ, & quos libido carnis expugnare non potuit, pecuniæ cupiditas subjugarit. Certum est enim & experientia constat illud quod ait Ambrosius Epist. 7. Pecunia plerumque sibi dominos emit. Sicut qui servulam emit, cuius amoris turpiter servit, & captivus quasi tenetur: Sic pecuniam avarus conquirit, ut illius ancillulæ dominatiui famuletur.

Y

Mira-

170 Miraculum fuit quod Ioseph , inter montes aureos , In *Egyptio*.  
*rum , Chananaorum ,* aliarumque gentium infinita pecunia , ex  
 pretio frumenti divenditi corrogata , ne teruncium quidem sibi  
 assumpsit aut reservavit . O quam alienus fuit vir ille à nostri ævi  
 modo agendi ! Quis enim tam fidelis , tam purus , hodieque re-  
 gum tractat æaria , administrat opes , custodit pecuniam , ut nihil  
 inde surripiat , nihil reservet ? solisque regum stipendiis , ac donis  
 contentus vivat ? Quam multi nostra ætate , patrimonio pau-  
 res , angusti familia , tenues substantia , multos annos vixerunt ,  
 qui tamen ubi primum à regibus , vel ad eorum tractanda negotia ,  
 vel ad redditus administrandos , procurandamque pecuniam electi ,  
 subito evaserunt ditissimi ? Splendidas domos ædificarunt , regales  
 villas construxerunt , opulenta coemerunt prædia . Unde , obsecro  
 ex corio regum : Exossantur principes , ut ministri pinguecant !

Memini me audire aliquando , & quidem à viris probatae fidei ,  
 ab ipso met regiae substantiae ac reddituum procuratore , cum à mi-  
 nistris rationem exigeret , certo deprehe sum esse uno vicennio ,  
 ob malignitatem quæstorum , aliorumque ejusmodi ministrorum ,  
 ærario regio ultra septem milliones drafctos fuisse . Haec tenus vi-  
 ille de *Lusitania* ubi scribebat & concionabatur : An omnes in Bel-  
 gio , vel alibi , Iosephi sint , non audeo dicere , hoc aliis relin-  
 quo .

Scriptura suam narrationem prosequitur , & ait : Deficiente pe-  
 cunia , & fame crescente , vendiderunt sua pecora Ioseph , pro fru-  
 mento , illis etiam deficientibus vendiderunt possessiones suas , &  
 sic subjecit Ioseph , inquit Scriptura , Pharaoni totam terram Ægypti , &  
 cunctos populos , à novissimis terminis Ægypti , usque ad extremos finis  
 ejus , p̄eter terram Sacerdotum que à rege tradita fuerat eis , quibus & fit-  
 tū a cibaria ex horreis publicis tradebantur , & idcirco non sunt compulsi  
 vendere possessiones suas .

*Sacerdotes honorandi.* O rem , inquit hic rursum *Benedictus Fernandius* , omni stu-  
 pore dignam ! tantæ venerationi apud infideles & barbaros erant  
 dæmonum sacerdotes ! audiant hoc , inquit *Chrysostomus Hom. 65 in Gen.* qui nunc vivunt , quantam olim curam sacerdotum idolorum  
 habuerint , & discant quid respectus debeant sacerdotibus Dei .

Audiant quid fecerit *Pharao* , servavit terram sacerdotum suo-  
 rum , imo tempore famis submisit illis cibaria ut honeste possent  
 vivere , & videant illi præsertim Laici qui nunc vivunt quam sine  
 ethnicis

ethnicis peiores qui Ecclesiastica bona conantur invadere. Raro eveniet, inquit *Fernandius*, ausim dicere, ut qui Ecclesiae patrimonium vel impedivit vel diminuit, præpropera, & infelici morte non puniatur. Plenæ sunt exemplis historiæ, nihil hodie aut frequentius videtur, aut miserabilius lugetur. Vidimus nuper splendidum dignitatem familiaque hominem in senatu regio, qui acrius ac vehementius quam par erat, religiosorum redditus, putans quidem obsequium se regi præstare, imminuere contendit, subito omnibus exemplum fieri; nam postquam multa probra passa erat ejus familia, purulentis corporis ulceribus exesus, miserandum in modum, cum negotium quod habebat præ manibus maximè urgenter, mortuus est.

Vidimus regium ministrum, qui bellum personis, & rebus Ecclesiasticis, perinquo zelo ductus, indixerat, atque ideo ab aliis laicis admonitus, ut sibi à divina vindicta caveret, cum jam felici exitu, ut putabat, munus deponens corrideret cum amicis ob illorum vana terriculamenta de Dei vindicta, repente in sella, fine ullo Christianæ fidei signo, expirasse. Plura alia habet *Fernandius*, contra laicos Ecclesiasticorum persecutores, quæ malim ab aliis legi, quam à me dici.

His ita constitutis ut per industrias *Ioseph* omnes Aegyptiorum possessiones quas *Iosepho* vendiderant pro frumento, pertinerent ad regem, præter terras Sacerdotum, dixit *Ioseph*, inquit Scriptura, ad populos: En, ut cernitis, & vos, & terram vestram Pharaon posset, accipite semina, & seruite agros & fruges habere possitis: Quintam partem dabitis regi, quatuor reliquias permitto vobis in sementem, & cibum familiis & liberis vestris. Qui responderunt: Salus nostra in manu tua est: Respiciat nos tantum Dominus noster, & lati serviemus regi. Ex eodem usque in presentem diem in universa terra Aegypti, regi quinta pars solvitur.

Habitavit ergo, subjungit Scriptura, Israël in terra Aegypti, hoc est, in Gessen, & possedit eam, auctusque est, & multiplicatus nimis, & vixit in ea decem & septem annis, factique sunt omnes dies vita illius centum quadraginta septem annorum.